



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Dilectis Filiis Abbatii sanctae Columbae Senonensis & Magistro Scholarum
Aurelianensi.

urn:nbn:de:hbz:466:1-20006

cedens ut jam contra te verbum Domini assumere compellamur: *Pænitet me fecisse hominem.* Quod à sanctis patribus sic exponitur: Faciam quod solet facere peccantes, destruendo quod feci. Et nos forsitan quod construximus destruere compellemur. Meminimus quidem, & tu debueras meminisse qualiter in recessu tuo coram fratribus nostris districte tibi duximus injungendum ut Cisterciensis ordinis observantias custodiens, cùm pontificalis suscepit dignitatis non absolveret te à voto; ex qua, licet cum honore sit, sic onus sibi magis auxerit ut religione nihil penitus deperiret, per quod ejus habendas taliter relaxares. Ideoque fraternitati tuae per apostolica scripta mandamus atque præcipimus quatenus usque ad quindecim dies post susceptionem præsentium cum conscientia dilectorum filiorum Archidiaconi & capituli Pennensis tam formam juramenti quod prædicto Comiti præstisti quā litteras quas super hoc nos afferis direxisse per nuntios tuos ad præsentiam nostram omni excusatione cessante transmittas, ut super hoc prout expedire videbitur procedamus. In ceteris autem ita corrigas vitam tuam & te sic observantiae regulari conformes ut non rediisse ad seculum sed in seculo potius ipsum & pompas ejus contemnere videaris. Alioquin, cùm admonitus præcesserit, de cetero vindicta sequetur. Datum Laterani IV. Kalend. Novembris.

DILECTIS FILIIS ABBATI
sanctæ Columbae Senonensis & Magistro
Scholarum Aurelianensi.

Epist. 100.
Confirmatur
concordia ini-
ta inter Epis-
copum Paris.
& Abbatem S.
Genovefa.

CVM inter venerabilem fratrem nostrum Parisiensem Episcopum & dilectos filios Abbatem sanctæ Genovefae ac eorum Capitula & Ecclesiæ super jure parochiali in parochia de Monte super capella sanctæ Genovefae sita in civitate Parisiensi & super procurationibus quas dictus Episcopus in parochialibus Ecclesiæ Parisiensis dioecesis ad prædictam Ecclesiam sanctæ Genovefae de Monte pertinentibus requirebat, dudum fuisse controversia ventilata, tandem post labores varios & fatigations multimodas quas propter hoc sustinuerunt utrinque, de utriusque partis assensu, medianibus bonis viris, salva sedis apostolica reverentia, eo fuit inter eos tenore compositum quem suis nobis litteris plenius expresserunt, pari desiderio & voluntate unanimi supplicantibus ut eidem compositioni ipsis & eorum Ecclesiæ ne-

Tom. I.

cessariae manum confirmationis apponere dignaremur. Nos ergo ipsorum precibus inclinati compositionem ipsam, sicut sine pravitate prædicta facta est & ab utraque parte sponte recepta & in scriptis authenticis continetur, dummodo non vergat in præjudicium apostolicae sedis, ad quam Ecclesia sancta Genovefa nullo mediante dinoscitur pertinere, mandavimus atque præcepimus inviolabiliter observari. Quocirca discretioni vestre per apostolica scripta mandamus quatinus cognita plenius veritate, si compositionem ipsam secundum præscriptum modum factam inveneritis & receptam, eam auctoritate nostra confirmare curetis, id nobis postmodum per vestras litteras intimantes; ut & nos ipsam, per vestram relationem instructi, auctoritate apostolica confirmemus. Datum Laterani V. Idus Novembris, pontificatus nostri anno quinto.

Vide cap. Olim
inter. Derefti-
tu. spoliat. &
appendicem hoc
jus libri.

V E N E R A B I L I F R A T R I
Archiepiscopo Bisuntinensi & dilectis filiis
Archidiacono Salinensi & aliis Ecclesiæ
rectoribus per Bisuntinensem diocesem con-
stitutis.

Epist. 107.
Ne monachi
Cisterc. ad se-
cularia judicia
pertrahantur.

NON sine grandi cogimur admiratione referre qua nuper dilectis filiis fratribus de Roseriis Cisterciensis ordinis in vestra dioecesi accepimus contigisse. Sunt enim nonnulli de parochianis vestris, quemadmodum nostris est auribus intimatum, qui ad ea quæ Dei sunt respectum debitum non habentes, eos ad secularia pertrahere judicia non formidant, & examen aquæ frigidæ ignisque carentis ventumque duellum subire compellunt, nullatenus attendentes sacros canones non censere confessionem à quolibet per hujusmodi extorquendam, & quod sanctorum patrum non est documento sanctum non esse superstitionis adinventionibus præsumendum. Nos ergo quæ præmissa sunt circa prædictos viros religiosos attentari de cetero districti inhibentes, universitatæ vestrae per apostolica scripta mandamus & districte præcipimus quatinus parochianos vestros monere studiosius & inducere procuretis ut ab hujusmodi contibus illicitis penitus abstinentes similia de cetero non præsumant, quæ in contemptum Dei & ecclesiasticae libertatis dispendium attentari noscuntur; alioquin eos ad id per excommunicationis sententiam appellatione remota cogatis, quam usque ad satisfactionem condignam præcipimus inviolabiliter observari. Datum Lateran.

PPp ij